

И н ч и н р т ä т ö р

Мана тангъчар эдлврäs гарси тöмрин куш цуглулдж зöблгн ик тату йовна. 1957 джилä зурагъан зугл 94 процент, 1958 джилä негдгч кварталин зура 85 процент куцагдв. Тангъчар дөрвхи район буклднй зурагъан куцав, данггин эс куцадгнй: Западн, Яшалтинск, Целинн, Яшульск, Приозерн болн Каспийск район.

Эдлврäs гарси тöмрин куш цуглулдж зöблгнд гарчак ним ик татус, колхозмудин, совхозмудин, предприятиясин болн нань чиги кесг эдл-ахусин гардачнр эн тöрт чинр эс öгчäх учр гидж тоолх кергтä.

Хамхрад, элäd, эдлврäs гарси кесг трактормудин болн селäнä эдл-ахун онгдан олн зусн машинин онц äнэгс колхоз, совхоз болн МТС болгнд дала бäнä, тер тоот цуг шаврбальчгг хайгдад, даргдад, кевнä. Эдниг цугтнй цуглулдж, ори-нутгтан орулдж öгх зöвтäвдн.

Болв энуг медä бäсн бийснй, Прикаспийск загъсна ком-

бинатин управляющ ур П. П. Куркин, ах инженер ур А. Г. Гаряев, Каспийск промкомбинатин директор ур Курилов, Хальмг тангъчин потребсоюзин ахлач ур Сидоренко болн нань чиги кесг ним гардачнр эдлврäs гарси машиндän тöмрин куш цуглулдж зöблгнä зура куцаггнд öгхд онгган тäвчäхш.

Эн тöрт чинр öгч, предприятиясин, районин, колхозмудин болн совхозмудин гардачнр онг öгсн бäärн газрмудар тöмрин куш цуглулдж öггнä зура уэмджтä кевär куцагдв. Улгурнй, Черноземельск район онггрсн джилä болн эн джилä негдгч кварталиннй зурагъан 130 процент, Сарпинск район — 117 процент, Юстинск — 149 процент, Приютненск — 107 процент, тангъчин селäнä эдл-ахун управлень — 117 процент кургдаж куцав.

1958 джилин негдгч кварталд тöмрин куш цуглулгнä зура куцаггнд Каспийск района, Каспийск поселкин

дундин школин болн долаи джилä школин сургъульчнр шундж кöдлдж, 16 тонн тöмрин куш цуглулв, тер дотр дундин школин зургъадгч „А“ классин сургъульчнр улусан кöдлв. Улан-хоолин комсомольчнр — 7 тонн тöмрин куш цуглулдж ори-нутгтан орулдж öгв.

КПСС-н районн комитетс болн районн куцагч комитетс, тер дотр Каспийск, Яшалтинск район болн Элст балгсн ик муугъар эн тöрт онгган öгчäнä, тер тöлäd эн джилä хойрдгч кварталин зура куцаггнй äämшгт бäнä. Эдн куш-кöлсчнр дунд ик цäлгъврин кöдлмш кедж, багъчуд болн школомудин сургъульчнр тöмрин куш цуглулггнд орлцулдж, хойрдгч кварталин зурагъам цагтнй болн буклднй куцахин тöлä гуджру кöдлмш кех зöвтä.

Д. СЮКИЕВ,

КПСС-н тангъчин комитетини
инструктор.